



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VI. Die Novembris.

**urn:nbn:de:hbz:466:1-9625**

## P. STEPHANVS

PAEZ.

Hispanus  
Limæ. 5  
Nou. 1614.  
ætat. 67.  
Societ. 50.

B. U.

AD animarum salutem vsus est  
Acultu Deiparæ singulari; cuius  
Sabbata, panis, & aquæ leuamento  
contentus, absque cibo alio traduce-  
bat, à Deipara multifariam sepè adiu-  
tus. Ad perfectionem per heroicas de  
se ipso relatas victorias, humilitate,  
ac se afflicti contentione maximâ  
nitebatur. In rectione fuit haud re-

missus, verum vigore charitatis ple-  
nus, efficax, atque ad omnem disci-  
plinæ domesticæ apicem curatè ser-  
uandam attentus. Erga ægros chari-  
tatis tantæ vt ipse sociorum vlcera  
suis manibus curaret. Semper anhe-  
labat ad Deum; apud quem paratum  
sibi inter sanctos Patriarchas locum  
diuinitus vidisse fama est. Adfuit  
mortui exequiis fœmina famâ eximie  
probitatis celebris, & sibi videre est  
visa sanctum P. Ignatium, qui ab ara  
Stephano obuiam veniebat, cum gra-  
tulatione summâ excipiens.

Superiore

Charitas

Prædestin.

S. P. Ignat.

Mort.

## VI. DIE NOVEMBRIS.

## ALPHONSVS

OVANDVS NOVITVS.

6. Nouemb.  
Hispanus  
Limæ. 1614.  
ætat. 17.  
Societ. 1.

B. V.

Mortific.

Oratio.

Vocatio.

Mortific.

Oratio.

Huius virginitas cum egregio er-  
ga Dei Matrem studio coniuncta  
illum sui corporis tyrannum fecit.  
Septem aliquando cilicijs inno-  
cens corpusculum vndequaue cir-  
cumdabat, & assiduâ verberatione  
adeò lacerabat, vt fuerit vnum vul-  
nus. In nullam legem nostram pec-  
care est visus, nec vnquam otiosum  
verbum loqui auditus. Per Beatissi-  
mam Virginem insigni orationis dono  
excelluit; & solâ Deiparæ cogitatio-  
ne obiectâ, fluebat in cordis tenerri-  
mam voluptatè. Quicquid verò a-  
gebat, offerebat manibus Deiparæ,  
vt ei seruiret in omnibus, & placeret.  
Tabulis nudis indormiebat, ad oran-  
dum nocte consurgens.

## P. IOANNES

AMIEV.

IN Syriæ missionibus per annos duo-  
decim magno impendio labo-  
rauit. Matrem expiratam ad Ecele-  
siæ complexum iam, antequam ille  
proficisceretur adduxerat. Alepi Soda-  
litiæ duo Maronitarum erexit; ter-  
tium Armenorum: Francorum verò  
cœtum restituit. Missionem Damas-  
cenam, ac Tripolitanam instituit; Si-  
doniam constabiliuit: ibique Franco-  
rum Sodalitium posuit, per multa per-  
pessus. Familias, integras, quâ à Ma-  
hometho quâ à Græco Schismate,  
item Apostatas ab exitio, ad fidem  
adduxit. Vniens illi domi erat, isque  
necessarius nummus argenteus, illum  
illè pauperi dedit, & eodem die sex  
argenteos nummos vtrò sibi datos  
accepit. Vestis illi è nigra tela, citra  
vllum respectum humanum: somnus  
parcus, isque in storea, sine linteis in  
æstate: fortis contra linguas innocen-  
tia; pedes, vel offendiculo, vel spinis,  
per itinera sæpius cruentati. Turca  
illius

Gallus in

Syria. 6.

Nou. 1550.

ætat. 67.

Societ. 46.

Fides.

Zelus.

Misericordi.

Mortific.

illius pectori sclopum furenter ad-  
mouerat. Rogatus, num timuisset;  
respondit: se non plus suæ, quàm pu-  
licis vitæ tunc timuisse. Carceres læ-  
tus perpessus est. SSS. Trinitatem sa-  
crificiis crebris, & variâ industriâ,

magnâque fiduciâ coluit. Maroniti-  
cam tempestatē prudenter tranquil-  
lavit, & pro Romano Maronitarum  
Collegio vtiliter laborauit. Hæc, at-  
que his plura de illo annuæ.

## VII. DIE NOVEMBRIS.

I O A N N E S  
DE AGVILAR. COAD.

7. Nouemb.  
Hispanus  
in Boetica.  
1621. ætat.  
61. Soc. 35.

Vocatio.

Euchar.

Mortific.

B.V.

Mortific.

Obedient.

Patientia

Italus Mef-  
sanæ. 7.  
Nou. 1612.  
ætat. 76.  
Soc. 38.

**C**VM Rhetoricæ studeret, maluit  
Societati se dare, Coadiutor fu-  
turus, quàm nobili cuidam, ad  
quem inuitabatur, ordini, sacris ini-  
tiandus. Extra singularem erga SS. Eu-  
charistiam, & B. Virginem affectum  
aiebat religiosum cor esse extra suum  
centrum. S. Synaxim aditurus; præter,  
alias afflictationes, se flagellabat.  
Duas horas, antequam alij surgerent  
in oratione, ponebat, modico pane  
contentus, ipse granum excuriebat,  
ipse seminabat, rus colebat; idque per  
30. annos, quo toto tempore non  
prius ad cœnam ibat quàm B.V. Rosa-  
rium recitasset. Domum à laboribus  
redux, rogabat, vt ieiunare sibi lice-  
ret; à vino, ac deliciis omnibus vel  
gustandis alienus prorsus. A quacum-  
que occupatione illum superior auo-  
caret, statim illam abrumpebat nullo  
verbo adiecto, & nihil omninò turba-  
tus. Acerbam vlcera curacionem  
per sanctâ patientiâ sustinuit.

P. CÆSAR  
COSSVS.

**A**PRVS, natus ad religiosam rectio-  
nem, piâque prudentiam, quâ  
Nonios, & Socios reliquos guber-

nabat. E Domo non nisi rarò admo-  
dum, eoque religiosius, prodibat. Si  
cui domi vestium quidpiam deesse  
aduerneret, sibi detractum, illi dabat.  
Somno quatuor tantum horas, reli-  
quum orationi dabat. 15. diebus ante  
festum sancti Michaëlis & aliis 15. an-  
te festum Assumptæ B. V. ieiunabat.  
Disciplinæ religiosæ perquam accuratè  
retinens fuit; etiâ in minimis qui-  
busque quicquid calore vrgeretur, ac  
siti, nunquam extra consueta triclinij  
tempora quicquam bibit: nunquam  
villis cibus oleum salemque adhibuit.  
Sabbato, in B.V. honorem, nil omni-  
nò cibi cocti admisit. In extremo se-  
nio, cum per bienium nil videret, ce-  
citatem illam tulit maximâ humilitatis,  
& patientiæ significatione; mag-  
no pietatis, & perfecti Religiosi ex-  
emplo. Omitto quædam quæ admi-  
rabilitatem habent.

P. AVGVSTINVS  
CENTVRIONVS.

**C**VM à Republica Genuensi ad co-  
ronas missus, ardua, varia, & as-  
siduè tractaret; cum supremum in  
Republicâ Magistratum gereret Dux  
creatus, illud in eo laude ac ferè ad-  
miracione dignum fuit quòd etiam  
tunc sine intermissione oraret, mente  
in Deum ita defixâ vt nec rebus benè  
ac pro dignitate gerendis, nec teneræ

Superior.

Mortif.

Oratio.

B.V.

Sabbat.

Cacus

Patientia.

Italus Ge-  
nuæ. 7.  
Nou. 1657.  
ætat. 73.  
Societ. 44

Oratio.

ac